


Shenzhi, Tswashe 'Pyi Mari



Ynaka yi: Edward Hughes
Za wa mu'be do nya: Lazarus
Alastair Paterson

Bmapmyi yi: www.christian-translation.com
Za wa go nya: Sarah S.

Beta 60 é 60 lo

M1914.org

Bible for Children, PO Box 3, Winnipeg MB R3C 2G1 Canada

Gbegi: He yi kala yi he kpma 'Bendye hni ndye he gà knunu m.

19

20

21

22

23

Tswashe kpego d'ye ya abekasa snu, ndye wo yi d'ye bebi nya. Bebi betsnu yi etsu n.

Tswashe yeyi d'ye go-d'ye goyi Wo ga Wo 'byi tnu, Yesu, d'ye Wo tsu ku é znudu lo ke wo gba yi betsnu. Yesu wa zhi wyewye ke ga dezekpe lo Shenzhi! 'Bonleyi Tswashe ga pya yi abebi ya.

Ndye he ye he zniwye e he abebi lo, da bendye hni gi Tswashe: Tswashe, ma wyegugi d'ye Yesu wa tsu é mi bolo ke wo de yi wyewye. Tsugu zhi he ba dna é mi lo ke he pya mi abebi ya, ke gi mi bwa wyewye wowoyi ezni, ke ezni mi yi de He yi nyize-nyize. Bmamisnu mi yi He 'byi. A ze lo. Yowana 3:16

Ba Baibulu ke he da beta de Tswashe yi fyefye fyee!

Gbagyi East

Sandye Yesu a dna e ekni be nya wa ba shenzhi be da gi wo azabwakpe. Wa yi d'ye "Mi Dada Bwari", keg a gna a ba mimi mwabere lo. Shenzhi bmya pe mwari dododo e nyize bo.



Yesu a gna, "I mi lo mi le jni eba ba gi se. Mu hni mi ga lo ga la eba jni ba chi se lo, mi ga dezekpe zhi mi ba go se lo mi ba ge." Yesu a du ya lo Shenzhi, ndye wa laga e etsu lo nya. Sandye wo azabwakpe azhi ba chiwye ge nya, Yesu ga gnu lo Shenzhi, enyi ga wo pu e ba wyeba.



1


2

La e esa hna lo, a Misheza yi kpeko dye Yesu ga dezhi. Yesu gna wo ga zhi dna e esa ndye a tuwye nya n. Tso azan dye a chna tsu wo le zhi be nya mwa? Bibulu gna ba lo Yesu ba. Eza ga gbmi ya e byina wo kpayi de Tswashe yi.

KPAYI DE DAGEYI YI


3

Bewedyedye, epa kpmakna dna e Baibulu lo, da gi yi shna shenzhi yi nya. Be mari ndye yi lo nya, shenzhi yi Tswashe pyi nu. Tswashe yi e bababa, tso wo tsuchinkpe yi e shenzhi lo n.




4

Amaleika gba Tswashe fi e shenzhi lo. To azan dye ba tsu ga lo shenzhi nya, ba ko enyi ba la Tswashe tu. Abeta ndye fi e anyi dodo nya hni: HE KNUCHNI BENA HA YI POYA GI TSWASHE DE HE DYA YI E EBYE DODODO LO KELA YI ZE ATSU GE GI YI TSWASHE. (REV. 5:9)




5

Epa kpmakna e bibulu lo wu dye Shenzhi yi "Wurishelima wowoyi." Mwa dyego-dyego yi, bindi, de baknaknaya mwakpa. A mi de kuta ndye bmyana nya n.




6

A gu wo zenkpa m, yi do yi le dye mimi wye... WOW! Shenzhi gnabmya e mimi lo. A mi de esninadna yi, shnandye gilasi nyi. Muhni a snu wo zogwo de esninadna yi n.




7

Bmya, nuwna chacha edna wyewye nyi kna é Tswashe 'tsudyi ba lo. É edna dye bwa-bwa-bwa lo yi tsumwa wyewye nyi, byebye nyi, dna é kapu Eden nyi lo. Tsumwa hni yi 'pma yi. Wo dyidyi yi gbobo-gbo gnu awogaba, epya dodo-do yi gbo. Ke tsumwa wyewye nyi dye frunte é sa akni knungbari.



8

Shenzhi dye é chni wyango dodo epya dye wole gi bawye kan m. Tswashe dye nyangoyi latu gi bawye kana n. Tsongo é yi lo m.



9

Muhni anya ndye ba fyi é Shenzhi lo nya ba yi gbo. 'Ba yedobo. Tswala de kninu yi ba kpa gbmando dyi. A gaba dyinya shnandye kninu byiri nyi. DAGEYI gna, "Ba ga tsudobo kpesnu ba jnidogbma é Mi knunu riri yi lo m."



10

Shnandye ya chewye nya, yi ga kpeko dye a nyado é yi é Shenzhi lo m. Bere nubobenya nyi a wo m. Zaza snugo dodo wo ye wo dye m. Azemkpa é yi gugu yi m, bena awyigbe é yi é Shenzhi lo m. Afudyiyi yi lo m, azawu yi, awyeri, dodo aza bibi. 'Befi dodo-do bye é yi é Shenzhi lo m.




11

É Shenzhi lo Tswashe ba awyenuwna é yi lo m. Asa dodoyi, Tswashe wa 'za ti betsnumi buyi é nyize bo. É Shenzhi lo, Tswashe ga wnu awyenuwna ya khikhiri.



12

Etsú yi é Shenzhi lo, muhni m. Tswashe wa 'za ga lo kpa yi de Dageyi yi nyize-nyize. Wyegugbmajni é ga yi lo m, butiyi é ga yi lo m, basna é ga yi lo m. Gnuma é yi lo m, Ebwá é yi lo m, abila 'bwa é yi lo m. Zaza ga yi gbmada yi é Shenzhi lo de Tswashe yi.



13

'Bedyegoyi khikhiri, Shenzhi yi abyí minsa de abyí nyigoza nya n (de azago yi du) ndye ba wyegu gi Yesu Kirisiti wo yi ba Egniyi ke ba gi Wo mwamwa dye wo yi Dageyi. É Shenzhi lo epa yi lo ayi dye Epa wyewye nyi. Yi nunu yi de aza aye yi. He kpe azandye ba 'ye fyi lo nya? Aza khikhiri ndye ba ba wyegugi Yesu nya.

He 'ye dna lo?



14

Baibulu beta kpmakna tu é Shenzhi fyapa be lo yi 'be dyegoyi n. "Ke Zafnu de mula nyigo yi é gna dye, 'Zhi!' Ke zandye wa wo dye 'Zhi!' Ke zandye nuwna miwnu wo wo nya wo zhi. Ke zandye a bawo nya, wo go nuwna wyewye nyi tantaki."



15

Shenzhi, Tswashe 'Pyi Mari

'Beta é Tswashe Beta lo, Bibulu,

A dyewye dna é

Yowana 14; 2 Akorintiza 5; Bepmiyawu é Yowana 'bwalo 4, 21, 22

"He beta dofo gi ba wyekna." Zabura 119:130

16

17

18